



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四〇八

九思堂詩鈔四卷 愛新覺羅永琬撰

一

雙牖堂詩集二卷雙牖堂文集一卷雙牖堂外集一卷雙牖堂文稿一卷 韓廷秀撰

六三

黃海吟秋錄一卷 巴慰祖撰

二〇五

笏巖詩鈔一卷 屠紳撰

二一三

秋盒遺稿不分卷 黃易撰

二一七

紫石泉山房文集十二卷紫石泉山房詩鈔三卷 吳定撰

二四一

榮性堂集二十卷 吳俊撰

四二一


榮性堂文集八卷 吳俊撰

五九三

九思堂詩鈔 寶莊親王永瑤著 王宇星田為 高宗第六子

乾隆八年癸亥生廿四年出繼慎靖郡王允禧之嗣孫即紫瓊道人
也王六法與瑤華道人弘許並稱塔步紫瓊之武尤工書筆致
堅卓在類未之間同時館閣諸公如汪松泉吳璠等不能及也卒
於乾隆五十五年庚戌薨年四十有八其遺詩四卷前後無序跋
多疑非全集按其生卒歲月攷之則各闕佚蓋王逝世其人章
刊成以竟其志不暇徵序文也故刻工不若精同於東華錄
偶識數語於卷端

己巳上春翼盒記



九思堂詩鈔卷一

質親王著

丁丑

題有堂先生樂全清照

為愛名山好身棲第二泉桑麻田父話蘆荻釣師船夢作閒
居想神從阿堵傳兒孫隨杖履相對亦怡然
安道風猶在梁溪境本清山青蟠佛髻礪白瀉琴聲松菊懷
三徑圖書擁百城天全多至樂妙悟出莊生

題程莘田先生雲塘課耕圖

館閣清班品秩羣毘陵回首望齊雲舊畬猶抱經鋤意負郭
田催雨後耘

九思堂詩鈔

卷一

綠楊陰裏開幽篁半畝宮臨半畝塘秧馬衝開泥滑滑杏花
萼葉遶溪香

蘆塘宿雁

寒塘閒眺望秋雁宿蘆深霜冷棲難定沙明跡易尋呼羣藏
逸翮警夜徹清音秋水蒹葭畔蒼茫一片沈

題盛懋長江秋艇

秋色長江好漁航傍柳隄沙邊驚宿鷺水面避浮鷗影徐
徐耳煙光渺渺兮嘔啞行漸遠天際白雲齊

戊寅

晴

新雨池塘足清晨喜乍晴小橋垂柳色深巷賣花聲鳥語迎

人樂山容照眼明高樓春一望徙倚暢吟情
白堊

行宮即事

輕寒侵曉駐吟鞭朝旭瞳瞳映砌前紅杏花飛三月雨綠楊
枝拂萬家煙纔過社日來新燕遍看邨童鬪紙鳶多少幽情
郊外過風光彷彿記前年

七夕雜咏

玉露秋光擁碧霄仰看雲路綵霞飄浮瓜沈李燈前宴乞得
蛛絲有幾條

不獨人間離思多雙星脉脉隔銀河因何禿盡雕陵鵲才博
雲車一眴過

九思堂詩鈔

卷一

二

天街細雨苦連綿應為天孫洗綵綰却怪廉纖如灑淚暫歡
旋別倍淒然

七夕偏紫婦女情蘭盆香水小池明曝衣樓下爭歡笑戲傍
蓮橈弄化生

涼風至

授衣秋律轉清商金井西風故故長拂簾幾番消渥暑吹梧
一葉送新涼飄同玉露如相約來與賓鴻似有鄉閒坐水亭
驚素節葦花飛雪滿寒塘

已卯

青石梁觀瀑布

峯迴碧澗長谿橫亂石怪石罅出飛泉剉剉非一派行人駐

馬看有悟天地籟珠箔垂仙閨晶簾鎮精魅直似倒銀河還
如飄縞帶天台亦有梁祇聞松偃蓋安得此青青令人身入
畫

彌勒峯

塵世居然笑口逢巖間慈氏現真容三衣不染煙霞色十地
元超功德峯自有流泉隨鉢瀉應餘清磬隔雲封何年迦葉
回禪定驚嶺重開繼別宗

秋聲四首

風籜

誰家寒塢度西風危葉紛紛散幾叢一夜王郎開醒眼又看
朝日上簾櫳

九思堂詩鈔

卷一

三

雨荷

潦倒枯荷貼水披恰當晚雨欲來時依稀奏徹師涓曲只恐
銜鉤魚未知

霜鐘

江楓色變四山秋曲磴峯凹古寺幽午夜上方禪入定敲殘
斜月下蘆洲

月砧

銀漢歌斜夜向深丁丁何處起清砧等閒照徹闔山月一杵
聲含萬里心

放鹿

臨場

優詔下駭鹿出危機為用三驅禮旋開一面圍

聖心嫌盡取仁網釋餘威遙想殘陽路牲牲度石磯

庚辰

和 五兄見懷元韻

回憶分行已月餘風光瞬息過駒如夢懷空自瞻鴻雁尺素難教附鯉魚塞嶺雪寒馳駿馬瓊廬日曉曉囊書感君無限殷勤意如見濡毫落紙初

和 四兄見懷元韻

秋來肺疾得涼蘇此際思君在遠途落葉愁聽霜信早天涯悵望塞山蕪風吹長坂花髻捷月照虛窗玉蕊孤觸景快吟騰健筆詢奚可滿錦囊無

九思堂詩鈔 卷一

四

和八弟見懷元韻

榆關跋涉及時還許久離情晝夜牽想像合圍誇善射五花分突萬峯邊

猶憶臨行分袂別別來觸處日如年雲箋贈我多佳句怪底頭風頓霍然

馴鵲

飲啄無猜性本馴粉翎潔白往來頻有時繫足能傳信常日聽經不畏人傍砌屢聞鈴翼響開籠渾訝雪衣新忘機曾倚高人賞觀察庭前意更親

辛巳

題倪穉疇給諫七芳圖

九思堂詩鈔

網葉迎風淡淡香名高九畹重詞場愛他標格清秋後空谷無人也自芳蘭

姑射仙姿訝許同一枝覆雪謝纖穠暗香疎影窗前得底向

孤山處士逢梅

紅衣貼水綻銀塘湖面風來萬柄香曾憶納涼拏艇過田

葉底睡鴛鴦荷

寒濤喧沸帶煙濃鬱鬱庭軒翠色重自是蒼髯堪作友品高

肯受大夫封松

粉籜連窗雨乍收此君軒裏足清幽就中想見高人賞夢卧

瀟湘正九秋竹

霜飛籬落見黃花點綴晴光秋色賒可有白衣來送酒重陽

九思堂詩鈔 卷一

五

風景憶陶家菊

冷豔冰綃絕點塵銖裳裊裊似仙人相看已識凌波態何用濡毫賦洛神水仙

和敬堂先生鍾峯歌韻

清秋詠吉路徂東日日扈從隨

飛龍千山萬山不足數超然突矗惟此玲瓏峯造物何年蘊

奇巧龍門面目將毋同

熙朝講武蒞紫塞莽莽雲海開心胸乾坤意氣任吐納詎非

巨靈劈破誇神功層巒掩映蒼翠疊嵌開石竇朝煙籠中含

樞紐恣旋幹峻絕絕竄窳凌罡風截葉圓靈肖玉壁摩空一鑑

窺天容我來一步一回首不覺勒轡仰視行冲融恍惚達壺

翠微出依稀蜷曲巖谷重上倚平岡如背脊橫探邃壑供開
封俯接三峯列臂指側連疊嶂排城墉磅礴鬱積元氣固四
面豁達天門中一綫虛豁遠透漏交輝日月雙瞳矚影倒銀
河白鍊落根浮地軸垠塢通鵬鵬躍躍駕羽翼花艸合沓參
丹紅更有迴環無數杉檜松陰崖上下披蒙茸我知千載以
來罕有人跡至那復樵客偕山翁脩然黃赤辟殺寄仙迹時
攜仙伴藏珠宮名山勝景素未識大抵片石尺土皆凡庸鬼
神呵護百靈集咆哮虎豹居蠶叢白雲堆絮餘一髮明霞簇
錦垂長虹自昔登封傳史冊要知嶮巖開闢皆天工異境往
往出荒微何須虎阜矜吳儂塵埃萬仞飛不到高空無待施
簾櫳玉女盆中瀉霜水雁聲嘹亮高徹乎丹楓何當割取置

九思堂詩鈔

卷一

六

硯北終日對此峯玲瓏攬勝咫尺如萬里奚必著屐扶吟節

蜂街

黃蜂春暖靜無詳朝夕居然聽放衙環衛應知潮兩上分排
底用鼓三過趨供蜜課嚴徵令出撥花香別等差小物亦能
明大義居臺渾似豎高牙

送周景垣先生視學江西即次五兄元韻

星軺比去為掄才路指南昌水驛開絳帳又看收玉筍奎光
爭似泛瓊杯別時尚把霜前菊到日應尋雪後梅遙想江干
迎使節光風霽月望中來

壬午

兩叔先生以詩報問依韻奉酬

講筵開旭日時敏敢求安幸得師承切渾忘趨步難正期陪
夜雪忽報感春寒愧乏刀圭術空思龍虎丹夢馳殘月落詩
至寸心寬二月十九日專介問疾先生玉局應初對朱絲想
漸彈茶鐺須漫整先生嗜茶故云藥裏定拋殘薄粒雖萌藥微波詎
起瀾敲吟頻就證問字數相干兄已傳心印余方借耳餐
義疑還共析句好竊同看碧海曾傳杜枯楊詎慨桓就將寧
自後才力却輸彈不有水壺鑑焉知棟蓼謹荏蘭情共契鉛
槩興無關履素周行坦神全太璞完華中絕雕飾馥外謝沈
檀翡翠朝雲屢蘭荈曉露溥搜勝勤步韻力疾急書統拜送
雙魚去臨風為整冠

四兄疾已漸平復蒙

九思堂詩鈔

卷一

七

恩准西花園調養詩以誌喜並以述懷

一榻維摩結淨因偶然示疾未為真參苓隨意調和氣花鳥
關心正好春病勢漸隨寒勢減韶光欲共

寵光新西園靜攝應知慰四面青山是舊鄰

鳳城西去指名園花柳陰深直到門愛主禽魚如解意酣春
桃李自忘言衣裘須懷寒暄節已箸還調早晚殮兄弟從來
知嗜好莫教山水惹吟魂

兩叔先生疊韻見示並催和章復用前韻答之

佳咏頻頻接清吟字字安指遙探不易韻險疊應難暖覺藤
戕潤晴驅墨藩寒學鳴漸瓦在砭疾感金丹伯仲心情悵師
生禮數寬性惟耽典籍文却愛譏彈子建云僕自愛商確魚

書數生涯盡簡殘教如施化雨情直溢春瀾為導真源契休
教偽體干 阿兄微示疾邇日漸加餐西苑承

恩命名山好重看鵲原暫睽隔鱸席闕盤桓舊學須加密輕
才亦願彈自知師友益寧必笑言謹好句連朝接相思入夜
闌庾公方興劇蘇老本神完幽賞柯亭竹清歌魏國檀卓比
文炳蔚花萼露滋溥疊寄皆文錦相酬賴薄紉城南天咫尺
翹首欲傾冠

撲滿

土器貯青錢形勢大如盃能入不能出其名為撲滿飛蚨著
意投何須設籥箴攫掠苦無由取用且從緩書生杖頭懸鄰
女香囊詎何如此物牢沈郎長相伴有財多浪擲得此真良
九思堂詩鈔 卷一

算其奈一朝路忽焉成破甌人道最惡盈厚聚終必散為語
障麗人癡情應立斷

野園先生輓詩次 五兄韻

猶從夢裏接音容彷彿春明握別同魚雁依然傳好在龍蛇
寧計數終窮青藜自昔推劉向絳帳而今失馬融西掖桐陰
空索寞晚來瑟瑟起悲風

玉尺冰壺舊有聲東南幾度仗提衡文章巨手應虛席家業
遺經幸滿簾得句每教懷鄭谷評詩空自憶鍾嶸烏私未竭
身先逝灑淚憐君恨未平

親陪杖履幾多春遽遣長辭淡滿襟辱驗八軹勤館職金頒
三品卹詞臣貧餘雖立情堪憫清畏人知意最真剩得招魂

歸見母倚閭何自慰天倫

生平風度想翩翩燕許如君可竝肩豈愛蓉城歸碧落空教
華屋泣青氈詞林此日摧梁木宿州明年滿墓田太息長歌
空寫恨輟弦端的為成連

索駝行

秋風颯颯秋雨涼行人塞北經沙場道途苦遭行李累鳴駝
任重宜遠裝在昔本是天竺產賦形雖異力則強氣骨偏尨
如山立服牛乘馬殊尋常野途一日數十里磧山習慣衝風
霜其性頗能識泉脈牽鼻銜尾過羊腸渴飲清澗新漲水饑
嚙古道將禿楊圓鳴終朝那得息肉峯高聳空昂藏葉枯一
團鹽兩合主人秣飼寧相忘不聞老僧擁褐句苦吟雪夜在
東陽 九思堂詩鈔 卷一

曬書

西風一夕至爽氣殊蕭疎趁此秋陽好消閒曝我書圖史堪
玩索殷勤拂階除編排珍積玉穿穴搜蟬魚傍架整素帙低
徊繹衣裙紛紛左右列開函與有餘更當亭午時靜影對窗
虛縹緲或狼藉相較意何如緬懷腹笥貯多文信有諸諒無
燥濕患往事足起予

秋塘立鷺圖

芳塘半畝環煙樹清淺波痕秋色暮葭莢綠繞帶晴沙中有
灘襍雙白鷺丰標潔淨天生成意態從容忘回顧頂絲裊裊
嵌深紅霜羽皚皚分縞素一聲乍起夢花風獨足高拳葦岸

露有時揭趾向前汀不惜雪衣冒寒雨未容眼底有塵埃邈
矣伊人在遙渚點染秋毫筆墨工誰能領此滄洲趣

戲仿宋韓駒曾紆冷語詩

千山萬壑飛急雪堅冰在鬚十指裂荒郊屋破人跡絕槎枒
僵樹當風立寒雀無聲翅欲折老翁長夜衾似鐵顧天輟此
三冬節

秋崖先生以通州戲見贈詩以謝之

開緘忽訝雪平鋪新樣華嚴製作殊光澤細生如玉潔輕勻
漫卷似雲腴揮毫雅勝苔衣滑潑墨方知柿葉粗深感先生
千里意聊將一片試鴉塗

癸未

九思堂詩鈔

卷一

薊州道中

十

客裏春深日漸長名洲舊鎮數漁陽輕黃綠吐河邊州嫩葉
黃舒路畔楊古郡城高殘粉堞精藍閣迴立空王我來小憩
饒清興贏得新詩貯錦囊

回首田盤似畫圖春風十里州平鋪野邨犬吠門微掩古渡
舟停水未枯風緊征衣應漫減程遙從騎怯長驅喜看咫尺
桃花寺山半霞烘列萬株

題月溪先生觀潮圖

海門仰接秋旻高坐見澎湃生寒潮天輪震激地軸動朝夕
來往環周遭茫茫萬頃捲雪練魚龍雜沓紛騰逃倒立排空
幾千仞三山隱見如秋毫崎嶇石磴連雲棧窮高莫漫誇登

峴依微沙汭辨遙汀恍惚蓬壺渾在眼潮州名勝古稱奇鯨
波東接扶桑枝先生使節早經歷壯觀一一傳歌詩由來大
雅好奇古繪圖自作雲山主鬚眉宛認少年時佇立滄茫俯
孤嶼煙嵐變沒無端倪筆墨淋漓有神助似聞天籟破空來
颯颯長風振高樹怒潮乍涌飛驚濤雪山萬疊迴狂瀾河伯
朝宗擁靈怪馮夷擊鼓驚鯢桓盪胸直欲凌霄漢極目空濛
迷畔岸此時向若了無言展卷須興觀止數

題晉川先生消暑清照

水閣蕭然架兩閒却因入畫偶偷閒翠梧陰滿心常靜綠竹
聲清夢乍還筆底煙雲嗟幻境眼前景物認家山奚童送茗
頻相問可是江南第幾灣

九思堂詩鈔

卷一

遊仙詞集麻姑仙壇記中字

土

仙駕經行處靈旗耀彩文方壇松偃蓋虛谷竹流雲山色雨
餘碧鐘聲月下聞何當登絕頂執節召東君

殺虎行

聖朝勤武備雄畧振宇宙高秋獮禮脩年年出關狩邊戶樂
耕桑刁斗聞戍埃

大詔疊蠲租偏災勞補救昆蟲及草木物物同在宥矧茲日

下祗近仰光華覆

翠卑涖雁蹟勾陳肅靈圓

恩波歲彌新居民倍於舊

聖心屢如傷殘害必窮究宜使榛莽中竟藏號猛獸飲飛粟

天威登陟捷猿猱，深林騰礪火搜搃。期必邁桓桓虎神，鎗雄
奇試一售。突然巨吼來，霹靂聲應驟殺氣。排長圍，蠢蠢將焉
漏羽林。競飛將勁戰，猛相就左右。互擊刺中權，故相犴臂力。
健於龍，眼光斂如豆。生死決俄頃，鉅鋒一瞬湊。其下啖奔勢，
其上射金鏃。腥風激雷霆，光怪掩白晝。野心尚爭險，冀突重
圍透。壯士勇能扼，剪凶如滅寇。洞胸或銜喉，已殪勢猶鬪。炳
如亦蔚如，柴車歷難走。卽此廣

皇仁醜類殲，勿聚叶詰朝。陳和門歡呼，維老幼共知。
聖人怒天討，膚功奏

詣普寧寺途中曉望

東望鍾峰積翠微，鞭絲遙引路依依。一天秋色青楓老，隔渚

九思堂詩鈔

卷一

十一

晴波白鳥飛，日氣初生開曉鐘。聲未斷到巖扉，蕭疎我欲
窮幽境。目送閒雲向岫歸

紅蓼花

溪橋水淺蓼初紅，似有微香冉冉通。細穗翠添秋雨足，低枝
霞倩夕陽烘。不隨萍葉黏船尾，欲比菱花舞鏡中。倒影清波
明瑟瑟，獨將綽約颭西風

微雨乍晴天氣更暖卽事

輕雲一夕翳遙岑，曉景全驅宿霧深。微冷人情方逐暖，小陽
天氣不宜陰。蒹葭殘更潤籬邊，色梅早應催水畔。林試啟文窗
延霽景，幾分春意已盈襟

題有堂先生澄懷卧遊圖

至道無營情靜研，得精理先生樂素風。澄懷契止止，兼擅知
仁性。旁參邱壑美平生，所會心萬里在尺咫。初遊涉江潯，挂
席彭蠡水。脩竹白雲閒，風景依稀是。遺墨訪三王，嘯對西山
紫。再駕入秦川，灞橋風雪裏。蜀道青天所見尤，傲詭北梯
棧路高東激。岷流駛輕舟，下瞿塘。荆門一瞬耳，洞庭浴日月。
黃鶴傳其渢，弭節更賦詩。遠摩崔氏壘，所志在泰山。齊魯可
方軌，幾片漢家雲。還就封中起徘徊，海右亭自古聚名士。尚
想卅堂人，一樽曾酌此

皇居天下壯闔洛，迴非擬先生奉

恩命玉尺量杞梓，驅馳燕趙郊。前後星半紀，文體看一變。良

璞逢磨砥，輶軒得餘閑。山川隨顧指，平濤古名郡。勝蹟頗累

九思堂詩鈔

卷一

十二

累偏涼六六鱗，味逾居岫鮪。高風仰墨胎，遺廟巋然峙。萬狀
一覽收，陶鎔歸筆底。人生少年日，力強願彌侈。既衰倦遊歷，
往往慙骨髓。先生行八十，矍鑠乃無比。繪圖稱卧遊，雄心知
未已。安車有故事，膳醴方隨爾。何必芙蓉湖，逍遙恣杖履

送邊秋崖先生督學廣東

朔風吹旆下南天，知為掄才遠著鞭。極目炎雲幾萬里，驚心
舊雨又三年。談經化啟蠻貊外，造士功深嶺海邊。合浦夜光
勤拾取，相看負腹便

輶軒行處勝蘇韓，爭覩羊城下。列仙官舍幾曾違，子舍奉母
命之講筵。今又作離筵，技奇雨後尋榕樹。攬勝江頭上，桂船到

日嶺梅香欲盡，未妨索笑待明年

甲申

句山先生以舊寓橋成自善緣菴移歸八弟有詩次韻
散花菴傍讀書菴禪悅吟情許共叅回首齋鐘過歲莫驚心
老屋及春酣青蒼松竹猶三徑瀟灑琴書恰一擔為報橋成
歸興劇園林清景恣幽探

溪淺差堪一葦杭綠波春水似江鄉未成白業薜精舍依舊
青山對艸堂過兩花鬚粘蝶粉籠煙柳錢曳鶯黃芸牋玉醴
從君設把酒臨風引興長

夾竹桃

此君之子兩相親細篠霞烘倍有神葉剪偶分湘水影花開
仍是武陵春依稀疎翠圍紅萼瑣碎輕銷散綠筠直擬仙源

九思堂詩鈔

卷一

十四

應較異若逢與可別傳真

途中見秋蔬甚盛野人掇取以備冬蓄因咏其事

野邱遶蔬圃綠色交茸茸芳塍何所有嫩韭與晚菘抽甲秋
雨後擢穎嚴霜中紛紜任時摘笑語何從容今歲雨澤潤不
獨禾黍豐客路乍覩此頗羨田家翁翠刺千畦剪黃金十甕
封野人向客言旨蓄聊禦冬生計今不缺

聖化感悵悵

喜雪用聚星堂韻

長空四望鋪雲葉元冥司令初經雪輕颼逼夜入枯林凍雀
藏形驚鳥絕高松收吼蒼髯粘脩竹壓梢青瑣折孤檠悄坐
者誰子窗明恰湊蘭膏滅荒雞訝曉空亂號蒲牢禁響如遭

掣先生踏裂五兩管姹女剪殘六瓣緬慕古曾聞會聚星賓
朋好事譚霏屑眉山清興繼廬陵傳鉢有教迅等營聲聞參
透色相空欲因文字歸無說騷壇學步一為之詩律森嚴猶
截鐵

季冬大儺

羽鐘合吹開元堂幹旋大造權陰陽四時玉燭驗節候宣揚
堙鬱調收藏是時兆庶在農隙炎倉梁庾咸蕃昌萬戶千門
都近祉底須逐崇方迎祥祓除披禳亦古禮卒歲進儺載周
紀土牛礮礮具文儀淺革班瀾驅厲鬼鄉閭聚會滿叢祠儺
母儺公屹然峙皂旗天上下將軍丹幘坊前舞佞子漢家除
夜敵金吾龍灣百隊爭傳呼紅繡衫輕排綠仗綠沈槍頽夾

九思堂詩鈔

卷一

十五

雲衢曠朕披金方相氏頡頏操刻祈靈巫遊光野仲遁木石
五丁六甲影黃朱東京軼事傳風尚河閒賦手工形狀畧同
三楚紀歲時可補五行志衰旺舊聞相襲今尚沿王政既詳
神亦相何煩掌故有專官遺制翻疑佛氏創太平盛事緣
鴻基四序均和福履綏天龍八部盡歡喜播幢三衆容歲苑
衆教拜舞頌景福獻花酌水歌雍熙東蕭度索迎獻歲八絃
喜氣真風詩

宗伯陳月溪先生

恩允所請養疴私第經帷入直未免需時志懷六首
清暑文章伯容臺禮樂卿勤思宣黼黻何以謝簪纓示疾睽
經席安神理藥鐺卽當頻問訊難慰乍離情

敢擬遂初志忠勤動

主知職教辭虎觀居尚傍龍池

聖鑒真如日臣心矢似葵所期勿藥喜旦晚謁

形埤

自昔周旋久多叨指授功一堂親霽月盡日領春風詩翰裁

金粟書鐙剪玉蟲匡居勞夢寐趨步思猶通

矍鑠誇常健者年近古稀鄰侯聊引疾疏廣未言歸早識靜

能壽應知道勝肥膝前娛色笑蘭桂發光輝

頤養知何處元龍百尺樓青囊聊檢點細帙足探搜眼許青

山放心仍紫禁留履聲

朝右重跡豈泛虛舟

九思堂詩鈔

卷一

十六

小別時原暫難禁歲欲殘傍簷梅信動映雪聲乾黃髮方

歸潞蒼生盡望安年光回大地相晤愜新歡

乙酉

雪象

天花工肖物巨獸貢形殊刻畫成空相伽那名象現瑞符阿舍

傳佛教林邑紀遐區誰試搏沙巧翻成映案娛六牙靈質示

七處化身輪感孕乘元律精光應白榆當門揮粉署守戶鼻

瓊鋪修鼻疑裁鋒華纓雜綴珠寒侵隨鏡膽清閃畏鼯臚玉

髓堪為骨霜華漫點膚由來馱貝葉幸得傍銅壺陀利錄稱

名遜後貌聽梵俱載奔奔燧尾有齒免焚軀皓奪翔林鶴瞻

如照夜駒瑤闌遮突几冰柱助睂肝潤已沾滋液飢寧飼糗

芻臨風誇皎潔見曉笑清癯頗具軒軒勢難行嘽嘽途躑差
同伏虎馴不藉蠻奴驅沴勝耕牯銷兵息戰袍掌儀供廐牧
脩貢集旃塗樂事迎年例新禧獻壽圖聽韶應率舞立仗欲
前驅

茂對眞呈象宴階淑氣敷

春色蘭芳圖成并題

三湘產脩竹九畹茁叢蘭靈根吐幽馥虛心挺檀樂賦安各

秉秀相尚結古歡繫余疎繪理濡墨春光寒昔賢文與鄭筆

勢千萬端端倪固未測理趣心所殫清芬如可襲几硯聊盤

桓

擬京洛篇

九思堂詩鈔

卷一

十七

帝闕臨黃道皇居冠紫微爐香開綺戶扇影明朝暉衣冠集

下國玉帛充端闈蕩平臻會極黼座揚琴徽

首善車書會閭閻紛雜沓朱門青瑣開紫陌紅塵合高樓咽

管絃花驄走韎韐同樂皇仁宣濯俗民風洽

月溪先生惠韭

惠分新韭遣僮攜珍重紅牋拂几題小閣挑鐙聞夜雨一筇

行藥剪春畦碧芽帶露堆盤嫩翠釜炊香下箸齊鍾乳昔聞

同服散料君加飯減刀圭

挑耳圖

注目屏耳謀根塵料能斷何事言城閒蟻度如牛戰要洗萬

古聾一朝求伴與癢處今自知嗒然坐清宴讀畫觸遐思肖

神有妙腕添毫豈易工還擬詢齊翰

題管仲姬雨竹

青閨揮灑自然工空谷寒生翠袖風松雪堂前琴韻歇毫端
春雨起蛟龍

尺幅鵝溪濕墨痕琅玕垂葉引龍孫却憐三泖仲姬人天然秀
不傍吳興可得存

浮筠點點集鸞青潤氣橫梳翡翠翎擬似篋簾渾不辨苔溪
煙景卷沙汀

風枝蕭瑟雨枝柔志在滄波一葉舟用仲姬漁父詞意解與王孫賦
歸去一竿借隱亦千秋

春江花月夜

九思堂詩鈔

卷十

太

綠波添側岸汗漫鏡光遙激灩移芳浦縈回動畫桡柳風梳
翠浪花雨帶輕潮樓閣流丹彩晴煙鎖六橋

芳菲競遲日恰值柳眠三遠塢輕陰合低枝淑氣含紅闌蝶
夢暖錦谷鳥聲酣紅紫真千萬長隄駐玉驂

長空初引碧清影欲銜山魚沼驚沈餌蘭闥對整鬢梅梢蟾
魄偃沙際蚌珠還倚檻耽清景眠遲意轉閒

空庭聊徙倚銀漢見參橫露氣融重幕鐘聲遞短更燈花燼
書几爐火減茶鐺寒暖平分候微吟永夕清

燕睇

呢喃暖趁社前歸注眼安巢卜是非香遲乍穿流素盼畫堂
舊夢識烏衣梁間乳倦憐移影簾外梭忙羨息機紅縷未殘

留意認昔年杏綻露初晞

羽扇

清冷一握避炎蒸纖翼真堪玉雪稱曠以仁風來白雉催將
商氣下秋鷹篆飄鵲尾微涼透曲度鸞蕭片影凝自可憑虛

近霄漢絕勝繞素幕吳綾

送盧抱經先生典試粵東

炎洲霞蔚絳旌來萬里驂驪道路閑靜夜蓮移學士院先生由學士奉新秋桂滿越王臺鎖闌樺燭三更缺鐵網珊瑚枝八月裁

歸驛春光先得處清吟催放嶺頭梅

送謝東野先生典試閩中

聞說龍泉躍劍灘寶光煜燦識毫端官銜近領春坊貴先生新晉

九思堂詩鈔

卷十

尤

掌坊旋奉榜額新掄南省寬五省典試同日命翠霧遙

山榕葉暗絳雲對輕荔枝丹鯉庭歸謁新移桂芳樹爭將桃
李看先生七假歸省

涵星硯

用東坡月石研屏韻

蒼溪產奇璞點點涵春星金水互融結實怪騰雲屏琢成不
異鳳皇珠珍之却數鸚鵡睛白榆厯厯種几席噓吸露氣秋

霄明舊聞墨海聲邃古好事臆說難為評摩挲自愛靜為體
筆壽墨壽敢與爭龍盤坐見雲出岫鴨爐為伴香霏縹自是

精英有時顯大造厚我心不驚濡染敢說象奎壁家珍炫客
應先鳴憶昨濯池墨華散纖波倒影參旗橫乞此連珠助垂
露旌功今欲封陶泓含毫夜咏和坡韻短檠燼落河斜傾

蕩絲

玉井芳腴落七鮮玲瓏數片一絲牽碧筒勸酒香徐引白露
凝珠縷欲穿寒木遙情空宛轉涉江新緒寄纏綿靈根自托
林池畔常與紅衣綰夙緣

秋燕辭巢

多為逢秋欲引身故巢栖托憶艱辛暫辭華屋驚寒節還向
雕梁戀主人別去金風悲此日歸來社雨訂明春應憐毛羽
經霜雪不盡低徊故故頻

秋夜讀書

秋氣下庭除炎日已過伏涼風入清夜颯颯動書屋月幌映
斜暉牙籤排簡牘豈惟耽爽致最好勤誦讀燈繁射書窗螢
九思堂詩鈔 卷一 十

火出脩竹几硯各精嚴丹黃互往復晤對古人親詩書媚幽
獨莫云秋夜長天心正肅穆讀罷問何其華炷餘殘燭

秋柳和阮亭尚書韻

婆娑踈地黯吟魂瞥睨秋光入塞門天遠平沙征雁信月明
古戍亂鴉痕軟塵憶繞青帘巷瘦影遙憐黃葉村縱有長隄
帶金縷南朝陳迹已休論

亭臯木葉下寒霜剩有疎煙暗野塘攬翠五花迴駿馬踏青
七寶怨空箱歌殘北郭曾推阮人似靈和舊擬王想像華林
春萬樹青旗紫蓋總關坊

清風為客戒寒衣一閱驪歌悵昨非此日榆關歎搖落當時
梁苑記依稀駝鳴遠道斜陽冷蟬曳空林暮靄飛莫謂飄零

九思堂詩鈔

先敗穉撫時元與素心違

望望汀洲絕可憐冥濛宜雨復宜煙綠陰掩遲微橫黛青女
飛花不作綿又見陶潛開別宅漫勞張緒詫當年物華有意
催羈旅野店山橋去馬邊

絡緯吟

珠簾乍捲空庭暮商飈瑟瑟秋聲度疎桐宋厯金井涼素綆
銀瓶汲清露艸蟲唧唧鳴聲小響合銀牀餘嫋嫋空憐機杼
不成絲殘砧水夜愁多少天河斜挂玉繩流素蟾澈灑水輪
秋却憶東南飛孔雀誰知西北有高樓古甃苔痕偏冷落遶
枝上有孤飛鵲可憐中婦不勝情一足流黃為誰作

擬塞下曲

九思堂詩鈔 卷一 十一
秦關漢月幾春秋喜值清時作壯遊萬里犁庭今臥鼓興桓
元是

帝王州

邊氓無事種山田歲歲腰鎌取十千叱犢人歸關外路艸枯
風定戍旗懸

雲影嵐光跋馬中鞭絲拂拂柳城風為乘時令行秋猶羽蓋

先臨避暑宮

大獵天山又屆期賢王左右効驅馳射雕由鹿年年事靜掃
狼臙未足奇

巴顏溝大獵歌

殿朝重經武中外咸欽風色荒險阨塞秋彌頻年同蕃王款
闕獻甌脫隄臯延袤豐州豐蘭中設垣亘千里巖巒峭崿風
雲通入柵瑤流分九派阻險全憑崖口隘駝鈴牛鐸武剛車
侵曉喧歷屯卡外數程六日至巴顏已顏鄂落千峯環遮羅
百獸富媼力言高也不數鹿麕狐貉熊羆斑五更千二百騎
投深山撒圍寧憚嚴霜寒此皆殲騎一敵萬四十九旗選徒
各各從戎鞍慢城望見傳聲至左右青旗齊縱轡周陸四面
密於茶朱縞凌風動幡幟旋拱中央大燾黃雨甄八部如鱗
萃我

皇親乘玉琨驕預遣前驅三十騎飲飛較射分兩行

天弧初發諸臣次叢薄披蒙龍列岫迷青翠風毛雨血灑平

九思堂詩鈔

卷一

五

蕪遺走伏飛盡羅致倬倬推剛中疊雙鑊錫稽首頌再四炮
炙頻將炬火然圖經默以峯巒誌隱隱周廬透旭光他他藉
藉陳廣場寒煙宋歷纂灌莽野花爛漫開芬芳和門大啟誇
宴設蒲萄若榴行羽觴控弦虎士醉酣滑醴裘燕譽同來王
上殺爭獻次第獻選將甘旨供

蘭膳分嘗下逮及羣僚禁鬻分攜拂廬徧車攻吉日著陳編

賡隨

輦多時彥短衣匹馬學從軍鳴盛無能愧且羨

望山先生

恩賜虹橋別墅次鄂比部贈詩韻

謝公築室畱芳久吉甫還

朝受社多退食

集巾紅藥院歸鞍橋外綠楊波韋平世美欣重見吳楚名區
較若何廣厦春風吟興富造廬問宇豈蹉跎

編籬

野外鮮墻垣束槿樊我園趁此農事閒綢繆及牖戶索綯婦
子勤經緯聯如組麕肥互相似空隙勞苴補土室繞一區柴
闌圍數武呼鄰犬吠花歷落成邨塢幽人采菊還徙倚檐前
樹枳棘豈散材居然興百堵

除架

瓜時架引蔓蔓老欲辭架發斂固有時非以成功謝伊昔援
長條蔥翠擅朱夏倏忽北風來芟除屈農暇無復甘瓠垂并

九思堂詩鈔

卷一

五

見苦匏卸旭日到南榮檐陰減茅舍陳材莫漫棄束之盈拱
把佇看葺新棚扶持正相藉

割菜

宅旁數弓地疏壤植嘉穀篋竹引流泉灌溉生意足涼露欲
爲霜芳畦遶清馥才過納稼忙割菜時已促迎刀脆以腴葉
葉裁碧玉呼童爲洗剝階前堆幾束烹茗恣飽餐漬鹽謀旨
蓄寄語朱門人此味勝梁肉

打豆

西成膏菽茂其藿漸萎黃筐筥不勝采車載登園場連劫爭
索索響入空林涼英老振枯穽實綻迸珠光簸揚汰其秕藟
落隨風颺土銚抱其熟饅粥生微香南山一頃殖收貯盈倉

箱功與麥粟侔民食佐以康

和 四兄自題四宜書屋用望山先生晚香園元韻

韶光借助名園勝四序宜人領畧多底事深居鑾涼燠竭來
心地納煙波疎亭拓本雲林瓚香雪四兄齋名清吟水部何小坐
移時頻覓句分陰猶自惜蹉跎

題蘆衣先生花墅對牀圖

宦遊廿載住京華卜築城南即是家小園曲池疏鑿好交柯
競秀紫荆花

撰杖鱣堂信馬歸細旂下值出形闌儒官門外清如水岸幘
繩牀坐暖暉

眉山風雨鎮堪憐驚暑尋盟咏一屋何似君家酬和富玉溪

九思堂詩鈔

卷一

五

名集有新編

和望山先生晚香園用少陵何將軍山林十首韻

名園今福地迤邐傍平橋盛事傳黃閣

重綸下紫霄煙霞如有待山水欲相招沙路連

丹簾蒲輪度不遲

台階先後輩冰玉恰雙清舊構廳旋馬新林谷出鶯艸憐紫
似帶尊想賦於羹然否江南似相期撰杖行

攝嶺開靈境琳宮擁翠支倚雲誇疊巘得月讓方池古意松

筠共歡顏魚鳥知樓臺原有地瓊甃不曾披

玉立丰標上雙眸炯木花繡經閒相鶴檢帖細縈蛇捧日心

常切看山興暫賒朝回門似水渾忘鼎鐘家

時扈卷阿

蹕星廬對雪開清光分牖竹暖意上盆梅燭跋宵籌靜禽喧
暝色來素霽供滄品隨意掃莓苔

檻外鳴環玦清源自玉泉水光搖匝峯影落纏綿長卷書
金粟名香蕪玉錢此中饒至樂會意不須川

嗜古由天性閒尋翰墨香春臺餘樂愜厦屋結清涼

禁區當軒轟陳編棟架藏晚娛多所荷只是感

宮蒼原倡有天成
娛景句

郊垌多卜築小選接鄰池爭識鄭公履不歆山簡羅談經羅

國秀翰林軍度
多門下士紹武有佳兒謂今子鳩杖雖非急趨

朝亦許隨

九思堂詩鈔

卷一

五

佳勝開韶孟軒窗度暖雲長松圍黛澗脩竹立霜文境欲忘

喧宗陰還惜寸分虛丹有靜寄車駟任紛紛

新詩叨屬和句法妙陰何一日紙應貴百篇囊更多傳鈔思

篋衍擊節欲歡歌訂誤資宗匠雲亭願數過

冰牀

不以輾蹠踏玉京金塗低貼凍紋平穹帷重幕壺中坐脩綆
雙牽鏡裏行上阪木牛能度險逆流水馬不稽程蘇詩水馬
兒步步逆

水問津輪與平輿穩平輿見
漢書靜聽方輪軌雪聲

舍利子歌為 四兄賦

四兄示我舍利子圓似彈丸大似指云是尊勝之所遺文殊
師利昔留此珠林內典風未讀偶討前聞叩所以化人隱約

九思堂詩鈔卷二

質親王著

丙戌

擬陳拾遺修竹篇

鐘籠產終南嶺壑互深邃湛露滋甘膏流泉激清吹含氣儕
芸生獨秉造化粹猗猗發崇標垂條鬱森萃風迴玉戛音雲
披色含翠靈根待鳳凰空山辟魑魅崑崙萬里遠聖世有嘉
瑞虛中挹宮商韶咸于以被當其植幹時堅貞有真意松柏
得其儔桃李良自愧篠蕩亦多材效長終遠致緬彼有筠姿
風契結寤寐

春聲十詠

九思堂詩鈔

卷二

爆竹

寸齋烟霏暖意融迎韶消息六街通鞭聞合殿千門曉花舞
平階五出風迢遞山村驅癘疫喧闐市巷走兒童殷旬送到
傳燈節青帝機緘一握中

太平鼓

常隨竹馬舞連錢珠絡銅環巧製傳直以衢歌形皞皞寧殊
樂虞奏淵淵步搖有韻風猶嫋曲譜無名月共圓迎篇相催
陽律動願諧解慍七條絃

響壺盧

胚胎蘊結出洪爐買得春光比玉壺音有抑揚殊急管節傳
抗墜儼連珠啖錫稚子貪無厭賣藥仙人術未孤斟酌吹噓

九思堂詩鈔卷一終

九思堂詩鈔

卷一

二十六

左肘出厄言喙長三尺語亦綺形全神全身之基以心印心
福之址何如讀書善射習勤勞莫使身閒肉生髀

夢寐閒通天之臺萬壚起摩竭陀國轉法輪小男長子合一
體說經說法常喜界不動智波如止水種種示現益衆生七
佛之師上座是又聞佛滅度後五百年雪山之中設法始泥
洹示後現寶華八斛四斛不勝紀此物縱使金石堅精氣銷
沈雷窳嵒黝然而黑瑩然光庚庚橫理雜深紫驚子之肥以
母名胎結而生或其理復有以色論軒軒輕隨人分泰否
色空空色落枯禪此義母乃襲糠粃瘞以宰堵篋栴檀求福
如狂真食耳大千妙諦轉三車震旦初源遺一履清涼示跡
更天台誰識豐干與文喜昌黎有表諫佛骨大道平平坦如
砥吾兄蓄此亦偶然從善之心足稱美綈以古錦供羸龕
佳什千言紀側理經惟語我索和章敢進一言為君比柳生